

癸巳新刊御藥院方

癸巳新刊御藥院方卷第十

較勘無差

治眼目門

吹鼻碧玉散 治邪熱攻衝目睛疼痛

消石二錢

龍腦

青黛各一錢

右三味合研令細每用一豆許嚙兩鼻內

七仙丸 治肝腎俱虛眼常昏暗多見黑花或生翳

障視物不明迎風有淚久服補肝腎增目力

兔絲子

酒浸另研
爲末五兩

茯苓

酒浸去皮炒
切乾一兩

芭戟去心

車前子

熟乾地黄

枸杞子

各三兩

甘菊花

煉淨四兩

右爲細末煉蜜爲丸如梧桐子大每服三十九至五十九溫酒送下鹽湯亦得空心食前

通腦散

治目赤腦熱

寒水石

燒通赤過研細二錢

腦子

另研細一錢

南礪砂

另研一錢

盆消

另研細一錢

右件再一處研勻極細每用少許鼻內噴無時用菊花散治眼目暴赤生瘡赤腫疼痛目自淚出

薄荷

去土三兩

甘草

去土二兩

大黃

去粗皮

芒消

各一兩

甘菊花

去枝枝土

縮砂人

各半兩

右爲細末每服三錢茶清調服和滓食後

石膏散 治腦熱鼻寒頭目昏重

石膏

水飛三錢

龍腦

另包一錢

右二味細研每用少許鼻內啗之

生地黄湯 治眼暴赤纒發或經一二日赤痛澁隱

不開

淡竹葉

草決明

黃芩

各一兩

生乾地黄

二兩

赤芍藥

半兩

右爲麩末每用五錢水三盞煎五七沸絹濾去滓

乘熱洗眼冷卽止日用二次

金絲膏 治內外障眼赤筋瘀肉瘀血翳膜遮障昏

游多淚及治一切病眼

宣黃連

川黃連並用竹刀去鬚

黃蘗去粗皮各半兩

黃丹

羅過三錢

青鹽二錢

明乳香研一分

沒藥

硃砂各半錢

燈心長者白三百根

青州大棗

二十個

新丁香

四十九粒

真白蜜

四兩煉過

石件除蜜外並剉碎溫湯急浴過控乾仍不得犯

銅鐵器內并花水一升銀石器或砂銚子內慢

火熬慎勿火緊候熬至一盞以來以生絹濾去

滓放冷入蜜再入銀石器或砂銚子內熬至七分再濾入於乾淨磁器中密封勿令透氣於簾下滴漏處掘深一尺埋之用水一桶照滴漏簾於埋處坑子上猛傾下次日取出再入

生龍腦

好麝香

各半

南硼砂

馬牙消

各一皂子大

右四味同研極細入前膏中每點粟米大

白龍散 去翳膜昏澁每用少許鼻內噴如點少用大有神效

川芒消兩

右除黑黃腳不用用真白如雪者用銷金銀錫子
內盛用新瓦蓋口又有熟炭火約及秤用一小
磚火內存放先燒磚熱然後下藥在鍋磚上四
面有火慢慢微微近前至鍋攙蓋良久鍋內有
聲定先去頂上火并瓦錫中覷不沸顯清明汁
外用鐵器或金銀器亦得用鐵鈴鈴出鍋傾藥
汁在器中凝潔如玉色者成也若用時少少研
細膩入片白龍腦各等分任用通頂點眼

龍腦礪砂散

治頭目風熱

龍腦

兩半

南礪砂

兩一

右研極細每用少許兩鼻內噴之

金蓮散 治風熱攻眼目赤眵淚昏澁

黃連大

當歸大

赤芍藥各一

右咬咀每用三錢水三盞煎三兩沸綿濾去滓澄

清熱洗眼不以時候

青金散 治風熱清腦明目

龍腦

青黛各一

薄荷葉

盆消各一

乳香字一

右爲細末每用半字鼻內噴

五黃散 治目赤

黃蘗兩一

黃連

黃芩

黃丹

大黃各兩

右爲細末每用一錢水蜜調成膏攤在絹花子上
隨目赤貼於大陽穴

冰池散 治眼目赤

黑豆

去皮生搗
一兩爲末

馬牙消

研一兩

腦子

研一錢
少許

青黛

研一兩

右件研爲細末如粉每用半錢涼蜜水調如麵糊
相似攤於圓絹帛上貼兩大陽穴涼水時時頻

潤

五倍丸 治眼見黑花兒去翳明目

巴戟

去心
一兩

枸杞

二兩

甘菊花

煉三
兩

旋覆花

煉四
兩

蜀椒

去目及閉
者五兩

右將椒入銀石器中入青鹽四兩醋三升慢火煮

乾如器小旋添醋煮候乾只將椒與前四味焙

乾杵爲末煉蜜和丸如梧桐子大每服三十九

空心日午夜臥溫酒送下或鹽湯亦可

地黃丸 補腎氣治眼昔李揆相公患眼時生翳膜

或卽疼痛或見黑花如蟲形翅羽之狀僧智深請

謁云此乃腎毒風也凡虛則補其母實則瀉其子

緣腎是肝之母今腎積風毒故令肝虛非但目疾
丈夫所患乾濕脚氣消中消渴及諸風氣等皆腎
之虛憊但服此補腎地黄丸無不神效此藥微寒
量人性服之

地黄

二斤一斤生中蒸一頭飯間取出

一斤於乾

杏人

半斤去皮尖炒黃色搗爲末用紙三兩重裹壓去油又紙壓四五度

金釵石斛

牛膝

防風

枳殼

各四兩

右件於石臼中木杵搗爲末煉蜜爲丸如梧桐子
大每日空心用無灰豆淋酒下三十九

白龍粉

亦名玄明粉

治腎水衰虛肝經邪熱視物不明

或生障翳努肉攀睛或迎風淚出眼見黑花或如
蠅翳或如油星或睛游腫痛或癢不可忍並皆治
之

消三

餅

右於一九月造一大罐熱水浸開以絹濾過入銀
器或石鍋內煎至一半已上就鍋內放溫傾銀
盆內於露地放一宿次日結成塊子於別水內
淨洗再用小罐熱水化開熬入蘿蔔二箇切作
片子同煮以蘿蔔熟爲度傾在磁器內撈出蘿

荀不用於露地露一宿次日結成塊子去水於
中曬一日去盡水先入好紙袋成放於透風日
處掛曬至風化開成用逐旋於乳鉢內熬研極
細點眼如常法

至明膏 治暴赤疼痛淚出眩多熱氣上攻視物昏
花

黃連

一兩
剉

當歸

二錢
剉

蕤人

去皮秤
一錢

已上三味用水一大碗浸一昨辰慢火熬至半
碗澄濾去滓入白蜜半兩再重湯煮成膏重綿
濾過出火毒入後藥

龍腦錢一

南硼砂錢一

青鹽字一

右三味研極細與前藥一處同研令勻每用黃米粒大或一棗豆許每日點一次兩眼各點一筋
决明散 治眼目昏花遠視不明

川芎

井泉石

仙靈脾

槐花

各一兩

川椒

二錢半

蛤粉

水飛

石决明

水飛

防風

荆芥

羌活

蒼朮

米泔浸

甘菊花

黃芩

杜蒺藜

炒

木賊

去節

地骨皮

薄荷

甘草

炙已上各一兩

右件一十八味事持畢稱爲細末每服二錢熱茶

清調溫服食后日進一二服

金髓煎丸 治眼目昏花遠視不明久視乏力常服

滋血益水去風明目

生乾地黄斤一

熟乾地黄斤一

金釵石斛

去根剉
四兩

杏人

半斤去皮尖炒黃黑
搗爲末用紙三兩重

畏聖去
油用

牛膝

切酒
浸焙

防風

去蘆
頭

枳殼

當歸

各四
兩

右件藥並用石臼中搗羅爲末蜜和丸如梧桐子

大每服四五十丸空心溫酒下粥飲亦可

芎藭丸 治遠視不明常見黑花久服增明目力

芎藭

菊花

荆芥

薄荷

甘草各一兩

蒼木二兩

右爲細末煉蜜爲丸如梧桐子大每服五十九至

六七十九食後茶清送下日進一服或二服

荆芥散 治肝塞滯熱毒不可宣通目急癢痛

荆芥穗

當歸

赤芍藥

各一兩

黃連一兩

右爲麩末每用二錢水二盞煎三沸濾去滓熱洗

眼

香附散 治眼赤腫痛眩淚生瘡

香附子炒

槐花炒各一兩

大黃半兩

右爲細末每服三錢入沙糖少許冷水調下食后

服

生澤丸 散赤腫痛隱澁止眩淚生瘡

荆芥穗

大黃各一兩

甘草

川芎

各半兩

薄荷葉七錢

右爲細末煉蜜和丸每兩作十九丸每服二丸細嚼

溫水送下食後服

雷歸立效散 涼血定眼睛疼痛

常歸

大黃各一兩

乳香少許定

右件三味剉碎分作三服每服七錢水二盞煎至

一盞半去滓溫服食後臨臥看虛實加減服之

通光丸 清神水退翳膜昏暈赤隱莫開

蒼朮去黑皮

黃芩去心

朴消各二兩

甘草七錢

右爲細末乾柿爲丸每兩作五九每服二九細嚼

冷水送下食後服

神仙碧霞丹 內障點之遂愈

銅條兩半 常歸

沒藥各二錢

白丁香

血竭

片腦

硼砂

麝香各一錢

馬牙消

南乳香各半錢

黃連三錢

右件爲細末熬黃連膏子爲丸如鷄頭大每月新
汲水半盞於磁盒子內浸常用每一丸可洗四
十日大病不過一月小病半月冷淚三日見效
此方不可亂傳

還睛湯 治風赤暴赤眼退浮翳眯目胎赤皆爛流
癢腫痛

山梔子

黃蘗去粗皮

黃連各一兩

杜仲

去皮炒

細辛

去土

草龍腦

各二兩

秦皮

四兩

甘草

炙半兩

右爲麤末每用五錢水三大盞竹葉七片燈草二十莖煎一二十沸綿重濾去滓閉目洗了避風少時每日三兩次洗冷卽再煖

黃連湯 治目赤腫痛及散頭面熱

黃連

去鬚

秦皮

苦竹葉

切

薄荷葉

各一兩

右件剉如麻豆每用五錢以水三盞煎至五七沸綿濾去滓就熱淋洗不計度數

遇明光 治風痰頭目昏眩視物眩暈目見黑花飛

蠅常服清神水行滯氣下流飲

皂角

三斤二斤燒成灰裝在新磁罍內用磁漿
罐蓋口勿令出煙不用磁子后用紙二張

水濕過蓋罐口
紙乾藥冷爲度

何首烏

去粗皮
六兩

牽牛頭末

三兩黑
白各半

薄荷葉

去土
三兩

右件爲細末後用皂角一斤熱水浸軟去皮弦子

用穰酒 升搓揉成濃汁用新布濾去滓入麴

一匙同熬成膏子入上四味和丸如小豆大每

服二十丸煎生薑湯下日進一服食後漸加至

三十九

還睛丹 治腎虛眼見黑花飛蠅見花或黑或白或

紅久不已將變內障

菴菴

酒浸一伏時切焙乾

威靈仙

去土

青箱子

去土淨

巴戟

去心

蟬殼

去土

川菊花

淨

密蒙花

旋覆花

防風

去蘆頭并又

枸杞子

天麻

酒浸一宿焙乾

地骨皮

各二兩

蛇蛻皮

一兩半酒浸一宿炒黃

香白花

一兩半

桑花

麻子

水淘去浮者炒香各一兩

右件爲細末煉蜜爲丸如菟豆大每服五十九空

心食前溫酒白湯粥飲任意下

生地黄湯 治男子婦人小兒暴赤眼遮隱腫痛不
開洗眼

生地黄各二兩

決明子

黃芩去心

竹葉

各二兩

川黃連

芍藥

各一兩

右爲麤末大人用十錢匕水三盞煎五七沸綿濾
去滓乘熱洗眼冷卽止再煖再洗日二三
次只用一日次日換藥小兒約量歲數

杞菊丸 治內外障眼有翳暈或無翳視物不明

菊花

各二兩

枸杞

各二兩

川芎

薄荷

各一兩

蒼朮

六兩米泔浸三日一換水去皮熬乾

右爲細末煉蜜爲丸如彈子大每服一九細嚼茶

清下食後日進二服

增明丸 治一切眼目昏暗翳膜遮睛或眼見黑花

熱淚時出視物不明並皆治之

當歸

芍藥

川芎

熟乾地黄

木香

連翹

甘草

檳榔各一兩

山梔子

薄荷葉

黃芩各半兩

大黃二兩

芒消七錢

牽牛輕炒取頭末一兩半

右件同爲細末燒餅爲丸如梧桐子大每服三四

十九不拘時候茶清下或荆芥湯下諸飲亦得
日進一二服服經月餘自覺功效

犀角散 治暴赤眼腫澁疼痛

犀角

子芩

瞿麥

黃連各三分

梔子人

車前子

大黃微炒

木通各一兩

芒消一兩

右件搗篩爲散每服三錢以水一中盞入竹葉二
七片煎至六分去滓食後溫服

羚羊角丸 治肺肝風熱凝滯見紅白黑花頭額偏

疼漸漸昏暗不見物宜服羚羊角丸

羚羊角屑兩

石決明搗細併水飛過

決明子

車前子

犀角屑各三分

獨活

防風去蘆頭

蔓荊子

甘菊花

吳藍子

梔子人

甘草炙微赤剉各半兩

右爲細末煉蜜和搗三二百丸如梧桐子大每服

二十九食後溫漿水下日用二服

神應散 治眼暴赤疼痛

玄明粉生用風化朴飛便是

爐甘石燒通赤爲度各等分

右同研極細每用藥一粟米粒大用新水一匙調

藥點無時

消毒散 治眼赤腫疼痛不定兼治瘡腫不消

黃芩

黃蘗

各一兩

大黃

生用半兩

右爲細末每用生蜜水調藥如稀稠糊攤在緋絹花子上隨目赤左右貼於大陽穴如乾用溫水

頻潤

生明丸 治眼目暴赤睛痛腫赤

薄荷葉

川芎

各七錢半

縮砂人

甘菊花

各半兩

右爲細末煉蜜和丸每二兩作一十五丸每服一丸至二丸細嚼溫水送下噉化亦得

七寶散 治目不明昏游難開

南爐甘石

一斤用木炭火燒令熟爲細末

黃連

二兩上鬚揀淨剉碎用水一大碗煎三五沸絹濾去滓

右件將黃連水於前項爐甘石末內用紙糊三兩重坐於灰池內參令乾次用枯白礬一錢同研爲細末每點一黃米大於大背頭漸加至一莖豆許每日只點一筋

洗面藥門

無皂角洗面藥

藿香葉

白芷

藁本

檀香

瓜樓根

楮桃兒

白茯苓

防風已上各兩

甘松

零陵香

茅香各半兩

丁香兩一

麝香例三錢

沉香兩一

黑牽牛兩四

赤小豆兩三

川芎兩一

糯米升一

右爲細末

雀香散 去黥洗髭

廣明膠碎妙如珠七錢

藿香葉兩一

糯米升一

白丁香錢七

零陵香兩一

皂角去皮子

香白芷兩二

檀香兩一

龍腦另例二錢半

沉香

州一

丁香

錢七

右爲細末每日如常使用洗髮髮手面百日令光

悅潤澤

洗手檀香散

藿香

甘松

吳白芷

菜木

淨

瓜樓根

零陵香

各二兩

大皂角

去皮子

茅香

二兩半

白檀

兩一

楮桃兒

兩三

糯米

升一

右一十一味爲細末紗羅子羅如常洗手使川

新方烏頭藥

訶子皮

當歸各一兩

沒食子二錢

醋石榴皮兩

五倍子兩

百藥煎一兩

右件同爲細末先用大麥麵半兩蕎麥麵半兩
沙一兩六錢先用二麵醋調熬成糊入鍼沙調
勻先用溫漿皂角洗淨髮後上鍼沙麵糊藥擦
過後用前件烏頭藥一兩有使不盡麵糊調藥
遍擦髮上用荷葉包裹一宿用溫漿水洗淨爲
度

七白膏 令人面光潤不皺退一切諸黥黯

香白芷

白欬

白木各一

白茯苓去皮三錢

白及半

白附子三錢

細辛三錢

右件爲細末以鷄子白調丸如彈子大或如人小指狀陰乾每夜淨洗了面溫漿水於甕器內磨汁塗之極妙

舊方烏頭藥

訶子皮一兩

當歸兩

沒食子一兩

醋石榴皮六錢

五倍子二錢

百藥煎一錢

右爲細末用度如前法

淖手藥 臨睡使用

栝蒌

連子皮一箇

土瓜

連子皮一箇

杏仁

去皮尖二十箇

右各細剉用綿包於器盒內酒浸每洗手訖塗淳

手

御前洗面藥

糯米

一升碾作粉子

黃明膠

一兩炒成珠子

大皂角

火炮去皮半斤

白及

一斤

白欬

一斤

香白芷

生二兩

白木

一斤

沉香

半斤

藥本

皮一兩去

川芎

一斤去皮

細辛

一斤去

甘松

一斤

川芎

一斤

白檀

一斤

楮桃兒 新者
三兩

右爲細末

玉容散 治面上熱刺黥黯

牽牛 四兩
生

香白芷 半兩

甘松 去土
半兩

廣零陵香 一兩

栝樓根 七錢
半

川芎 半兩

細辛 二錢
半

阿膠 二錢
半 炮

豬牙皂角 二兩

藿香 半兩

楮桃兒 二兩

藥本 半兩

右爲細末每用一錢如洗面藥用早晨晚夕各用

一次

玉容散 治面上諸黥黯及滅癍痕

白及一兩

白欬

白殭蠶半

成煉鍾乳粉各半

白附子生

冬瓜子

韶腦別例各二錢半

楮桃兒二錢

麝香別研一錢

右件同爲極細末用玉漿調勻稠得所臨臥塗患

處明且用溫淡漿水洗去

神仙玉女粉 治黥黥退皴皴令人皮膚光澤

益母草

右件每用少許早晚洗患處

鍾乳粉散 治黥黥去黯子

玉女粉

二錢半條益母草

白附子

二錢

白及

二錢

白歛二錢

輕粉粉半錢

鍾乳粉二錢

蜜陀僧半錢

細辛末半錢

右同研勻細用兒孩兒乳汁調塗患處或溫水調亦得臨臥川次日用溫水洗去

皇后洗面藥

川芎

細辛

附子

藜蘆

藿香

冬瓜子

沉香各一兩

白檀二兩

楮桃一斤

白朮半兩

絲瓜四個

甘草二兩

生栗子第二皮兩半

杜荅荅二兩

廣荅荅一斤

白及二兩

白欬半一兩

土瓜根兩一

阿膠

吳白芷二兩

白茯苓兩二

腦子二錢半

皂角末兩一

糯米粉斤一

右爲細末

到流油烏髭三聖膏

酸石榴皮子用

新胡桃皮連青用

新柿子青者連用

右件各等分用鐵杵臼內搗爛如泥用一小口新

磁罐子內好黑錫三斤拍作小

錢大

菓子及生牛乳同伴前藥令勻罐口上用木拍

子油絹密封上用石灰磨搗泥之日內曬令極

乾於馬糞內培一月取出看藥顏色若深黑色
卽成如未黑再封於糞內培之如用時先以溫
漿水洗淨以麝皮盛臨臥指蘸藥燃之忌牛葱
生蘿蔔大蒜如燃時自下燃之其黑自下至髻
根

塗髭鬚方

栗青

白膠各一兩

右爲末一處川紙撚煙薰瓦盆取煤同胡桃穰研
成膏子塗髭鬚尤妙

胡桃膏

新小胡桃三枚

右一味和皮搗細用乳汁二盞於銀石器內文武火熬竹篋子攪成膏每用時淨洗髭髮以芫蘇點髭髮上

韓侍郎神驗撚髭方

百藥煎一兩

五倍子半兩

訶子皮一兩

菝把一兩

荷葉一兩

定粉三錢

礞礮一兩

右件爲細末用鐵漿一椀煎至半椀綿濾過再入文武火熬成膏爲度隔宿先用白礬水浴過髭

髮早晨燃之尤妙

烏頭藥

訶子核去

當歸

沒食子

和皮用

百藥煎

各一兩

醋石榴皮

五倍子

二錢半

右件同爲細末先用大麥麩半兩蕎麥麩半兩鉞

砂一兩六錢先將蕎麥大麥麩二味醋調爲糊

入前件鉞砂一兩六錢先用溫皂角漿水淨洗

頭髮後上鉞砂麩糊藥擦過後用前件烏頭藥

一兩有使不盡麩糊調藥再上鉞砂一般用荷

葉包裹一宿溫漿水洗淨爲度每鉞砂八兩醋

浸五宿炒乾破爲細末

大麥麩

三題

蕎麥麩

三題二味用好醋調爲糊量髮多少

一宿用溫漿水洗次用醋麩糊加減入藥末同調用荷葉包裹一宿次日用溫水洗淨爲度

烏雲膏

鐵砂仁

醋一

蕎麥

右件前二味入鐵鉢內同煎十餘沸入蕎麥八錢爲糊稀稠得所溫上髮髮用荷葉包或用手帕裹一時辰以來溫水洗淨次用烏雲散

烏雲散

訶子五箇
去核

百藥煎八錢

川沒食子一錢

輕粉少

右同爲細末爲炒蕎麵同前藥末各依等分相和
勻使用水爲糊稀稠得所依前溫上用荷葉封
裏

烏髭借春散

鍼砂先炒令赤投鼎中
浸一宿再炒令乾 大麥麵

蕎麵三味各炒
半匙頭

右先以漿水洗髭髮令極淨用醋調上件三味煮
糊熱塗在髭髮上用荷葉封裏上更以帛裹須

臨臥時用次日除去以溫漿水洗淨再晚用次

下藥塗

沒食子

百藥煎

五倍子

訶子

何首烏

當歸

已上各等分

右爲細末每用半匙頭入大麥麩蕎麥各半匙頭

醋調煮成糊臨臥塗髮上依前用荷葉封裹

次日早晨用溫漿水洗淨可黑

兩箇月

朱砂紅丸子

治面色不瑩淨及黧黧面黑皺

朱砂

細研

白朮

白歛

白附子

吳白芷

白殭蠶

木香已上各半兩

白及

白茯苓

蜜陀僧

已上各一錢半

鍾乳粉

二兩

右爲細末用阿膠半兩熬成膏子入上項藥末一處就成丸如梧桐子大如常用溫水蜜少許磨化開調塗面上次日早晨用溫治亦洗之甚妙

冬瓜洗面藥 治顏面不潔蒼黑無色

冬瓜一箇

右用竹刀子去青皮切作片子酒一升半水一升同煮爛用竹綿擦去滓再以布子濾過熬成膏入蜜一斤再熬稀稠得所以新綿再濾過於磁

器內盛用時取栗子大用津液調塗面上用手
擦

柴二稱炭一稱布一大

黏痛散 澡浴藥

當歸去蘆

赤芍藥

藥本去

防風去蘆

桂皮去粗

細辛去苗

黑狗脊去毛

骨碎補去毛

自然銅潤淨

草薺已上各

右件爲燧末每用二兩用手帕包定上用熱鹽包

納在痛處熨之

立馬烏

定粉錢一

瓦粉錢一

蜜陀僧錢半

龍骨錢半

輕粉重三桶

朴消錢一

鉛白霜錢一

韶膽兩半

花減六

玉霜一兩
三錢

右爲細末先用白土黃丹刷過髭地後乾將前項藥水調再上髭髮上用紙裹後少時其髭便黑用新水洗去過時不中

治瘡腫折傷門

陳元膏 摩治諸風拘攣疼痛麻痺不仁風癢癢疥
癬腹中疼痛積聚並可治之

當歸兩切三

朱砂研

細辛去

川芎各二

附子加指十二

桂去粗皮一

天雄二兩

乾薑三兩一

雄黃三兩二

松脂斤半

大醋二升即

生地黄二斤研

白芷已上並剉

細二兩

豬肪脂十斤去助膜

右以地黄汁大醋漬九物一宿并脂合煎之十五
沸膏成新綿濾去滓入雄朱和令凝不令小兒

婦人六畜見之切須忌也每用少許摩擦患處
熱徹爲度

白龍膏 治一切惡瘡赤腫痛

沉香二錢半

白檀

白茯苓去皮

木香各一錢半

白附子一錢

桔梗一錢

白及二錢

白斂半兩

白芷一錢半

白微一錢

白朮半兩一錢

黃耆二錢半

川芎一錢半

甘草二錢

防風二錢半

白芍藥二錢半

當歸洗兩兩

生乾地黃一錢

瓜蒌根一錢半

杏仁湯浸去皮

桑白皮

杞人湯浸去皮二錢

木鱉子去殼人參去蘆頭各

木通

獨活

川升麻

槐白皮

零陵香葉已上各

苦參一錢

臘日澄清芝麻油一斤

上好瓦粉四兩

右件並搗剉碎甘上項油浸七日七宿於淨石鍋

或銀器中以慢火煎候白芷焦黃色放溫以新

綿濾去滓於磁罐子內密封澄三日三宿候取

出傾於鍋內以慢火輕溫再濾去滓傾在上好

磁碗中吊慢火再熬動次下黃蠟一十四兩用

竹篦子不佳手攪令勻放盪次入瓦粉再攪令
勻以慢火再輕熬動盪下攪令勻續次再上火
三日方欲膏成於磁盒內盛密封每用藥時用
軟白絹子上攤藥貼

摩風膏 摩風止癢消腫定痛治頭面唇鼻諸瘡肌
肉裂痛

黃耆

去粗皮一兩二錢

當歸

去蘆頭三錢

白芍藥

茅香

甘草

防風

各二錢半

白芷

杏仁

湯浸去皮尖

桃人

湯浸去皮尖

檀香葉

七

栝香

川芎

零陵香錢三

白附子

沉香

白及

白斂

天麻

獨活

木香各二錢半

木通二錢

大瓜萋蘆

龍腦錢四

清油一斤

黃蠟

冬月用九兩半夏月用一十二兩半

右並剉碎用清油浸七日於淨石器磁器銀器中

以慢火煎候白止微黃色以白綿濾去滓於淨

磁罐子內密封澄一宿再濾過於上等磁碗中

慢火再輕溫熬動次下黃蠟和令勻放溫次下

研細龍腦摻而於磁盒子內盛定每用藥少許

摩擦患處

消痔膏 治一切腫毒結硬疼痛

玄參二錢

藁本

牛膝

續斷各半

羌活二錢

葛根二錢

柴胡去苗

木鱉子去皮

沉香三錢

木香

當歸洗

升麻各二錢

赤芍藥半錢

丹參一錢

何首烏二錢

牡丹皮半錢

芝麻二錢

槐白皮

甘草

白欬

川芎

桃仁湯浸去

杏仁湯浸去

白附子

木通

赤茯苓

亂髮

用木通洗淨已

七各二錢半

細辛一錢半

白芷三錢

防風

黃耆各半兩

蒼木

去皮一錢半

白及四錢

上好黃丹三兩

臘日飛清芝麻油一斤四兩

右件已上三十二味並剉碎同亂髮一處用油炒

七日七夜於淨石鍋或銀器中以慢火煎候白

芷焦黃色放溫以白綿濾去滓於磁罐子內密

封三日三宿夜候取出傾於鍋內慢火輕溫兩

濾去滓傾在上好磁碗中用慢火再熬動去下

黃蠟一十五兩用竹筥子不住手攪令勻次下
黃丹再攪令勻以慢火再熬動盪下攪令勻續
次再上火三日方欲膏成於磁盒子內密封每
用時用軟白絹攤藥勻貼於患處

善應膏 治惡疽瘡腫毒癰漏發背腦疽癰子寒濕
氣刺冷痺頑麻貼藥不疼牙腫外貼打撲接骨因
內歇血毒氣不散鎌刀鐵器所傷杖瘡藥到不疼
小兒頭面瘡癩丹流聚熱雜瘡蜈蚣蜂兒蠍螫淨
洗伏抵消停取毒狗子馬咬蟲蛇所傷湯火漆瘡
甜指水毒下疳臙瘡諸般瘡腫藥到取毒滋潤止

痛乾濕疥癬撥動貼藥婦人吹爛丸如梧桐子大
新汲水下二十九產前催生產後趁敗血臍腹刺
痛經脈不調溫酒下二十九此藥不得犯葷手火
上焙化淨紙上攤貼

虢州上等黃丹

二斤羅細用

沒藥

兩研一

南乳香

兩研一

白欵生

木鱉子

全用

白及生

常歸生

白芷生

杏人生

桂長三寸生用已上各一兩

新柳枝

一斤加筋頭蟲長一搩

右除黃丹乳香沒藥外其餘藥材用好芝麻油五

斤浸一宿去炭火上用鐵鍋內熬令藥材變黃色
色濾去藥材不用次將黃丹入鍋內用新柳枝
一條長四尺如小錢兒籠攪令藥丹微變褐色
撥鍋在地再用柳枝攪出盡火煙入沒藥乳香
在內再用柳枝攪令勻藥冷傾在磁盆內頓放
候藥硬用刀子盆內取藥出切成塊子用油紙
裹然後使用此藥修合春季三月間合秋季八
月間合

碧霞膏 治肉刺

銅綠兩

乳香研二錢

沒藥研一錢

松脂四兩

白膠香研一錢半

黃蠟字一

芝麻油

另煉香熟冬
漆夏減香用

右件先煉松脂濾去滓次下白膠香又下芝麻油
攪令勻看硬軟得所續次下黃蠟再攪令勻又
次下乳香沒藥銅綠末攪令勻冷於磁盒子內
盛每用之上煨藥攤於紙上貼患處

玉容膏

治中皮膚骨瘡癬癢唇裂面皺風刺及打

撲傷損舒緩筋通流血消腫止痛發散邪毒每用
少許塗摩熱爲度如耳鼻有瘡用綿杖兒點少許
在瘡上

黃耆去根

當歸去蘆

白芍藥

白芷

川芎

藿香葉

零陵香

白檀

白附子

白及

白欬

瓜蒌

杏仁湯浸去皮尖研如泥膏一兩

龍腦

清油

右件除龍腦一十三味入清油浸三日用銀器內

慢火熬令藥焦黃色用新綿濾過去藥滓放溫

入黃蠟鎔令勻再用新綿濾過入龍腦不佳手

用柳木篦子攪候冷密封如前法用冬用三兩

油一兩 蠟夏月五兩 油二兩 蠟臘月熬蠟油入
蠟

金黃散 治諸瘡瘍癢極發疼

乳香 半三錢

輕粉 錢一

瓦粉 半二兩

白龍骨 半一兩

滑石 兩二

寒水石 燒通赤 兩二

黃柏 錢二

右件同爲細末再研令勻每用藥少許時時乾慘
患處或用油調之擦亦可

桃紅散 生肌肉斂瘡口

定粉 半二兩

乳香 半一兩

龍骨 半一兩

白石脂

烏魚骨

去皮微炙黃
色一兩半

寒水石

火燒通赤
碎七兩

黃丹

慢火微炒放
冷二錢

右件同爲細末再研勻極細每用藥少許乾摻患

處

寸金錠子 治一切痔瘻經久不可者

麝香

輕粉

硫黃

雄黃

雌黃

藤黃

砒霜

粉霜

黃丹

已上九味各
錢三另研

乾漆

牡蠣粉

紅藤根

各一兩

右件一十二味爲細末燒陳米飯和勻捏作如大棗核大一用一錠子紐在肛門內可深二寸許放定用新塲毬兒兩個燒赤醋內蘸過綿裹肛門外熨冷卽易一个次日大便取下惡物

大紅膏 治從高下墮落馬傷損瘀血結滯筋脈攣急肌肉腫硬疼痛不可忍者並皆治之

當歸

剉一兩

赤芍藥

剉一兩

天台烏藥

剉一兩

小油斤

已上三味浸油七日七夜

沒藥

兩一

乳香

兩二

琥珀

一兩

研爲細末

七同

壓青斤一 黃丹兩一十

右件藥先將壓青以銀石器內慢火熬鐵篋子攪
化開爲度時月春硬軟旋旋入沒藥油硬軟停
當次人另研藥三味攪勻用綿濾在淨水盆內
以手持拔如錫白色次入黃丹再持拔令勻盛
在磁盆內每用熱鐵篋子攤在厚軟紙上貼於
患處

金傷散 治金刃箭簇所傷血出不止及落馬打傷
肉綻血出亦皆治之

白及

白欬

乳香各一

龍骨兩半

石灰年折建

黃丹少

右爲細末入黃丹有如淡紅色每用乾捻在患處
上用軟紙更以絹帛裹護者忌風水乾痂爲效

佛手散 治一切腫毒

黃柏

大黃

各一兩

甘草

兩半

朴消

兩三

粟米粉

兩三

右件藥搗爲末每川水調如膏塗於患處

紫葛散 消腫散毒

紫葛

升麻

黃芩

赤小豆

兩一

木香

兩半

黃連

大黃各一兩

白欬

玄參

榆白皮各一兩

右爲細末每用溫水調藥塗掃赤腫藥乾再掃

追毒散 追毒排膿

五靈脂

川烏頭炮

白乾薑炮各一兩

井鹽

全蠍各半兩

芫靈根兩三

無心草兩二

右爲細末每用藥少許津唾調塗患處

拔毒散 治丹腫

寒水石兩四

石膏兩二

黃蘗

甘草各一

右件爲細末每用新汲水調如膏攤於小紙花子上散貼腫赤處

檳榔散 欽瘡

大檳榔个一

紅娘子个一

黑狗脊

硫黃

赤石脂

黃連各半

輕粉錢一

右爲細末每用藥少許乾摻患處

寸金丸 二名返魂丹 三名再生丸 四名追命丹 五
延壽丸 六來甦丸 七知命丸 八得道丸 非人勿示

此方也若有人患瘡身未爛者與三九服之噦下
便活如口禁但幹開牙開研下三九灌之下咽喉
中立生此方善治發背腦疽氣疽癰腫徧身附骨
腫痛先覺時飲水口中煩渴發寒發熱四肢沉重
身體壯熱

蟾酥

二錢

金頭蜈蚣

七個頭尾全用
半酥炙黃色

狗寶

一兩

狗膽

一個乾
者用之

南乳香

一錢

膩粉

一錢

雄黃

一錢

鯉魚膽

一個乾
者用之

麝香

一分

沒藥

一錢

粉霜

三錢

硃砂

半兩

烏金石

一錢

黃蠟

三錢

頭首兒孩兒乳合

右同爲細末除黃蠟乳汁二味熬成膏子同爲丸
如菉豆大小兒如芥子大每服一九 病重者
加至三丸用白丁香七箇研爛調新汲水送下
用衣服蓋出汗爲度大段疼痛無頭瘡腫不過
三服立效服瓜蓋白米粥妙

黃連散 治風熱毒氣客搏肌膚成瘡癢痛不止

黃連

兩

輕粉

錢一

右爲細末入輕粉和勻每用瘡兒乾燥生油調塗

有濃汁乾捻

處一日兩三上

搜膿散 治諸瘡膿汁不絕腐肉未盡

黃耆

白芍藥

香白芷各等分

右爲細末每用少許乾摻患處上用膏藥敷貼一

日一換

定痛黃蘗散

治凍瘡焮赤黃汁出及差後癢痕疼

痛

黃蘗

四兩去盡皮塗蜜
慢火炙令黃色

右爲細末每用蜜水調攤軟紙花子上貼患處

平肌散 治諸瘡久不斂

爐甘石

燒一兩半

龍骨

兩半

右爲細末每用乾摻患處上用膏藥貼

燒湯着底藥

木炭

不以多少

右件搗羅爲細末每用不以多少用小油調如稀
麵糊用雞翎蘸藥掃患處

艾煎膏 治頭面風熱小瘡多癢少痛黃汁出並皆
治之

艾葉

二兩

醋

一斤

右將艾葉同醋於銀鍋內同煎數沸濾去滓慢火
再熬成膏每用薄薄在衫紙上貼患處一日一

兩上

楮實散 去皴皺悅皮膚

楮桃兒

土瓜根

商陸各等分

右爲細末每日早晨用少許如常洗擦患處後用

桃人膏

桃人膏

桃人

湯浸去皮尖併如泥不以多少

右用桃人膏同蜜少許一處用溫水化開塗摩患

處後用玉屑膏塗貼

玉屑膏

治面頰手指肌膚皴澁不澤

輕粉

定粉各三錢

蜜陀僧二錢

右三味研爲細末用皂角子取白人以熱漿水浸成膏子調藥稀硬得所塗患處塗貼無時

止痛貼膏 治因傷損筋脈時發疼痛遇寒則甚

桂心

附子生去皮

乳香別

川椒亦可

吳茱萸

白及各一兩

生薑汁五合

酒五合

右件藥爲細末先將薑汁并酒同煎取七合每用放溫汁調藥如膏詳所患大小攤絹帛上敷貼痛處上用軟絹帛裹護

托裏黃耆散 治口乾微熱

人參兩半

白朮

茯苓

芍藥

桔梗各一兩

黃耆二兩

甘草半兩

右件爲麤末每服三錢水一盞煎至七分去滓稍熱服不拘時候

凍瘡藥

米粉不以多少炒存性

右爲細末鵝梨汁調塗害處紙花子貼

萬痊膏 治一切瘡瘍已潰未潰膿水不絕及灸瘡

久不差斂瘡生肌肉每用黏在鐵錐子上炭火炙
消攤紙上貼患處一兩日一換

乳香

沒藥

各別錢半

半夏

常歸

續斷

杏仁

桃人

巴豆

和皮搗碎

木鱉子

去殼

芫花

大戟

川芎

熟地黃

芍藥

蒼朮

防風

乾薑

生

桂

蛇床子

半兩上各

松枝

桃枝

新者各二兩

亂髮

二塊如馬打毬子大

澄清芝麻油

斤一十

右將前項藥下在油內浸七日慢火煎熬令鐵馬杓攪至半夏黃黑色爲度用竹篩濾去滓另研血竭三錢半下在油內攪令勻用新綿濾在盆器中澄去滓油揩鍋并馬杓至淨再用綿濾入鍋內入油每一斤用上好黃丹五兩若黃丹性緊者只用四兩半唯備冬春秋間便用如夏月用者使黃丹五兩二三錢並看丹急慢調品川慢柴火燒熬不住手和令候變黑色微溢住火至沫下依前用慢火熬候黑煙出住火如此二日後用木炭火養仍不得暫住手攪直至通前

四五日已來攤紙上不溼硬軟得所盛在磁器
內方欲凝時用絹子裹水銀搭在膏藥面上如
用時揩去水銀如此不至膏藥上面一重乾了
臘月內熬者佳

塗擦雄黃膏 治髮際內諸瘰癧及膚起癰疹癢不
可忍旬用少許臨臥塗摻患處以癢住爲度

豬肪脂兩

天麻

香白芷

各三錢

巴豆

五個重半錢

輕粉

二錢

黃蠟

雄黃

各五錢

麝香

半兩

右件以豬肪脂煮天麻白芷巴豆黃色濾去巴豆

等不用澄清上項輕粉等四味和勻放冷爲度
樺皮散方 治肺臟風毒遍身瘡疥及癩疹瘙瘡揉
之成瘡又治面上風刺及婦人粉刺

樺皮

燒成灰
秤四兩

荆芥穗

甘草

炙各
二兩

杏人

二兩去皮尖用水一椀於鍋內
熬却水一半已來取出放冷

枳殼

四兩去穰用炭火燒欲
成灰取於濕紙上令冷

右件藥除杏人外餘藥都爲細末却將杏人另研
令極細次用諸藥末旋入研勻每服二錢食後
溫酒調下日進三服瘡疥甚者每日頻服

刀箭藥

牛膽

大灰多不以

乳香少

血竭許

白及兩

右用新牛膽內盛藥物窰乾爲末每用少許乾貼
不得犯婦人手開

漏蘆煮散 治瘡癰癰腫內消

漏蘆去土

白欬

黃芩去黑心

麻黃去根節

白薇洗

枳實炒

升麻

芍藥

大黃炒

甘草炙各一兩

右件搗羅爲散每服二錢匕水一盞煎至七分溫

服

黑神膏 治諸瘡榮衛未腐腫痛堅硬嫩赤不消

當歸兩一

杏仁湯洗去皮

黃丹兩六

柳枝

二十

桃枝

二十

血餘

如雞子大二塊

小油二十兩

右除黃丹外入鍋內以慢火熬兩時辰綿濾去滓

再入鍋內熬令滴水成珠不散入黃丹川文武

火熬成黑膏使用

乳香膏 治諸瘡腫硬疼痛及膿潰肌肉腐爛兼治

腐肉不退

南乳香兩一

沒藥兩半

松脂兩五

天台烏藥兩一

木鱉子三錢用人
去皮二錢

當歸

赤芍藥各三錢

小油兩二

加血竭三錢

右九味除乳香沒藥松脂血竭等四味外用前項
小油浸烏藥等四味計五日慢火同煎數十沸
濾去滓澄清一宿入南乳香等用柳木篦子不
住手攪成膏

內托散 治一切癰疽毒腫發骨發背發疔發贅發
髭發腦發手發足應係瘡瘍毒腫未膿者即消散
已膿者即破潰已潰者即收斂消毒順氣托裏定

痛收瘡口散腫毒及腸癰胃癰皆可用化毒排膿
內補

黃耆

當歸

川芎

白茯苓

芍藥

白芷

甘草

人參

厚朴

去蠹皮生薑汁製

桂

去皮已上各等分

右件一十味爲細末每服三錢至五錢不計時候
溫酒調下如不飲酒以木香湯調下

辛夷膏

治鼻內生瘡疼痛或鼻中窒塞不通利及

鼽鼻氣不宜通並宜塗用之

辛夷葉兩一

細辛

木香

木通

香白芷

杏仁

湯浸去皮尖

右件用羊髓豬脂各二兩同諸藥相和於石器中

慢火熬成膏子赤黃放冷入龍腦麝香各一錢

金花散 消赤腫止疼痛散毒氣

川大黃

黃蘗

蔚金

黃連

黃芩

各一兩

甘草

消

寒水石

各半兩

白及

白欬

各三錢

糯米粉

三合

右爲細末每用生蜜水調稀鷄塗翎掃四畔煨赤

腫處

瑩肌膏 治毛髮亂長茸散類剃復生不盡者以膏貼之次日隨膏藥茸毛自退瑩淨再不復長

乳香二錢
研

歷青二兩

右二味用慢火同化開入小油一處煎沸硬軟得所臨臥塗患處明且用溫淡漿水洗去

外用清毒藥 治諸腫毒堅硬不消

黍黏子

葛根

升麻

地骨皮

黃花地丁

甘草

金銀花各等分

右件爲麩末每用五七錢水一升煎十沸於歷四
畔熱用冷則再暖

麝香散 治下部脫血或瘡痔瘻久不差

麝香

血竭各半錢

蝟皮一兩

右先研蝟皮并血竭爲細末次入麝香拌勻每服
半錢溫酒一盞調勻食前日進二服

熊膽散 治痔瘻瘡口不合膿汁清稀腫硬不消

熊膽一錢

雄黃半錢

輕粉半錢

麝香一字

右件研爲細末乾摻藥瘡口上

浴毒湯 治諸瘡疼痛堅硬不消及破後膿水不絕
惡肉未退好肉不生

何首烏

不以多

右爲麤末每川藥末秤一兩乾艾葉半兩水一大
碗同煎至水減半濾去滓稍熱洗冷卽再暖

正骨藥

鮫鯉甲骨貼膏 治閃肭疼痛

鮫鯉甲

塗醋炙
三兩

桂

去盡
皮

當歸

一切焙各
一兩

生地黄汁

麩

一匙秤
重九錢

附子

生去皮
一兩

生薑汁

右七味除汁外搗爲細末將地黃汁生薑汁各半
和勻暖熱調藥如膏攤於軟紙上乘熱敷貼患
處用綿繫護每日一換

沒藥膏 治筋骨閃肭疼痛

沒藥研

乳香研

虎骨

酥炙各半兩

吳茱萸

白芥子

白及

白欬

米粉各一

生薑汁

酒各三合

右件八味爲細末將生薑汁并酒同煎七合旋入
藥末調勻乘熱攤於紙上敷貼患處一日一換

用綿裹護

金絲膏 治筋骨損傷時發疼痛不已

通明松脂兩四

良薑取一兩碾末

乳香三錢研細

木鱉子

大者四箇去殼碾爲末

川烏頭

三箇剉如麻豆大

杏仁

一百箇剉如麻豆大連皮

小油斤

右件先將小油煎熬下烏頭杏仁煎熬燻黃色爲度取出以綿濾去滓極淨再川銀石器內慢火鎔松脂化開然後下良薑乳香木鱉子等末不住手攪勻旋旋入烏頭杏仁油看硬軟得所再用綿濾在器盒內貯放如用攤紙花子上貼患

處

定痛沒藥散 按摩導引令血氣復行

乳香錢一

沒藥

當歸

芎藭

地龍

細辛

羌活錢各一

蛤粉兩一

黃丹錢二半

蒲黃錢三

右爲細末每用乾捻在痛處用手擦摩捻十餘遍

然後上大紅膏

大紅膏

歷青斤一

黃丹兩一十

乳香兩一

油不以多少
添減用

右件藥先用歷青以銀器內慢火熬開鐵篋子攪
覷時月看硬軟旋旋入油硬軟恰好次下乳香
攪勻用綿濾過次入黃丹再攪勻盛在磁盆子
內每用藥時焙過熱鐵篋子攤在厚軟紙上

雙靈膏 治一切筋骨肌肉疼痛

良薑一兩
妙到

白芥子半兩
微炒

右爲細末每用藥二錢半頭白麴半兩水調成膏
攤在紙花子上貼患處

定痛沒藥散 治一切打撲傷損筋骨疼痛並宜服

之

蒼朮

一斤刮去黑皮炒深黃色

桂皮

去粗

熟乾地黄

焙

沒藥

研

甘草

炙微

蒲黃

各一兩

右爲細末每服二錢溫酒一盞調下不拘時候日

進二服

至聖黑龍膏

米粉

一斤緊者炒用砂鍋炒勿令黑焦

甘松

香白芷

滑石

三兩六錢

黃蘗

二兩

黃丹

四錢

右爲細末每用滴水調成黑強膏子攤在皺紙條

兒上可於內損疼痛處敷貼每日一換

至聖黑龍膏 治一切筋骨損傷疼痛

米粉

四兩於銀器內炒成塊子後入二味

乳香

研細

沒藥

研細各半兩

右三味研極細每用以好酒或醋調如膏攤在紙

花子上貼患處

加血竭大紅膏

當歸

剉

木鱉子

剉碎

天台烏藥

剉

赤芍藥

剉各一兩

小油

四兩

已上四味用小油浸七日七夜濾去滓

乳香

研二兩

歷青

蒸上六兩

黃丹

羅過一兩

加血竭

另例
半兩

沒藥

另例
一兩

琥珀

并研
一兩

右件乳香歷青鐵鍋內以慢火熬令消盡爲度時
月看硬軟旋旋入前項沒藥油加減用之候硬
軟停當以綿濾在水盆內持拔白色旋入黃丹
再持拔顏色勻於磁盒子內存放每用鐵錐子
攤在厚軟紙上貼患處

神効膏 治損撲着筋骨疼痛

小椒

二兩
黃色

乳香

八錢
另研

右爲細末用好醋打麪糊調藥塗在痛處上用紙
貼之

大紅膏方

乳香

當歸

各二兩

琥珀

香白芷

沒藥

白芍

白及

白斂

各一兩

歷青

六兩

黃丹

一兩

小油

四兩

棉子

一兩

木炭

三斤

定磁碗

二隻

右上八味爲細末同歷青一處放在碗內用文武火熬以歷青溶開次下小油徐徐下之看覷硬軟得所用綿濾在木盒內放溫次下丹熬成膏若用時攤於紙上用之

御藥院方卷第十